



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri De Dusburg, Ordinis Teutonici Sacerdotis, Chronicon
Prussiae**

Petrus <de Dusburg>

Francofurti ; Lipsiae ; Regiom. Pruss., 1679

Cap. LXXXV. De Multa Christiani effusione Sangvinis.

urn:nbn:de:hbz:466:1-11850

*Poppo de Osterma VI. Magister Gener. Ord. Teutonici.
Hartmannus de Grunbach V. Magister Prov. Prussiae.*

verunt à fide & fidelibus iterum, & in errores pristinos sunt relapsi & Sambitæ quendam dictum (a) Glande; Nactangi Henricum (b) Monte; Warmienses Glappum (c) Pogefani Auctumo (d) Barthi Divanum (e) in Capitaneos & Duces sui Exercitus elegerunt.

ANIMADVERSIONES.

- (a) Antequam baptizatus esset, dicebatur Glande: in Baptismo autem nomen accepit Richardi. Henneb. pag. 53.
(b) Henricus in Baptismo vocatur, cum ante hac dictus esset Monte.
(c) Qui in baptismo victus erat Carolus.
(d) Nicolaus dictus est in Baptismo.
(e) Divanus in Baptismo dictus Otto. Hæc omnia annotavit Dominus Zamelius.

CAP. LXXXV.

De

Multa Christiani effusione Sanguinis.

HI Capitanei & Duces Exercitium statuerunt diem certum ad hoc, ut omnes convenientes in armis, quoscunque fidei Christianæ professores occiderent & usque ad interneccionem delerent; quod & perfecerunt, quia omnes Christianos, quos extra munitiones in terra Pruschia invenerunt quosdam miserabiliter trucidantes; alios captivantes, in perpetuam servitutum deduxerunt, Ecclesias, Capellas & oratoria DEI comburentes, sacramenta Ecclesiæ irreverenter tractantes, vestes sacras & vasa ad illicitos usus pertrahentes, Sacerdotes & ministros alios Ecclesiæ mirabiliter trucidantes. Sambitæ quendam Sacerdotem fratrem Domus Teutonice, qui ad baptizandum eos missus fuerat,

fuerat, comprehenderunt, & collum eius sub duobus asseribus compresserunt, quousque deficiens exspiraret, asserentes, quod tale genus Martyrii competeret Viris sanctis, quorum sanguinem effundere non audent.

CAP. LXXXVI.

De

Conflictu in Pocarwis, ubi multi Christiani sunt occisi.

Anno Domini MCCLXI. volante fama persecutionis huiusmodi per Almanniam commoti sunt Principes & Barones. Unde Dominus de Reyder & multi Nobiles de aliis Teutonicæ partibus compatientes fidei & fidelibus, quod novella plantatio Ecclesiæ in partibus Pruschia per multorum fidelium sanguinis effusionem erecta, deberet tam miserabiliter interire, venerunt dictæ terræ in subsidium. Cum quibus fratres & eorum armigeri intraverunt terram Natangia, & de vastatâ ipsâ incendio & rapinâ, captis & occisis multis, redierunt ad eum locum, ubi nunc situm est Castrum Brandenburg, ibique Castra metati sunt. Placuitque fratribus & peregrinis, ut aliqua pars exercitus rediret in dictam terram iterum depopulandum relicta aliâ parte in dicto loco. Quo facto Nactangi considerantes, quod pauci non audent ipsorum terram depradari, congregati invaserunt residuam partem Exercitus in Pocarvviz, peregrinis & Fratribus ex adverso viriliter se opponentibus, & præcipue quidam miles de

*Anno Domini
MCCLXI. Urbanus
Papa IV. instituit
festum Corporis
Christi, quod post
ea Vienna à Cle-
mente Papa V. in
Concilio Generali
An. MCCCX. confir-
matum fuit.*

West-